

Na osnovu člana 56. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj: 35/05), i člana 30. stav (1) Zakona o izvršavanju Budžeta Federacije Bosne i Hercegovine za 2018. godinu („Službene novine Federacije BiH“, br: 5/18 i 44/18) i tačke III stav 1. alineja 2. Odluke Vlade Federacije Bosne i Hercegovine o usvajanju Programa utroška sredstava sa kriterijima raspodjele sredstava - „Tekući transferi pojedincima - Transfer za rješavanje statusnih pitanja branilaca i članova njihovih porodica“, federalni ministar za pitanja boraca i invalida odbrambeno-oslobodilačkog rata/federalni ministar za pitanja branitelja i invalida domovinskog rata, objavljuje:

JAVNI POZIV

za podnošenje zahtjeva za dodjelu jednokratne novčane pomoći maloljetnim dobrovoljacima za (su)finansiranje troškova prekvalifikacije i dokvalifikacije za vanredno osnovno ili srednje obrazovanje ukoliko su školovanje obavili u 2017. ili 2018. godini

I

Predmet Javnog poziva je odobravanje jednokratne novčane pomoći za rješavanje statusnih pitanja pripadnika branilaca i članova njihovih porodica, odnosno maloljetnim dobrovoljacima za (su)finansiranje troškova prekvalifikacije i dokvalifikacije za vanredno osnovno ili srednje obrazovanje ukoliko su školovanje obavili u 2017. ili 2018. godini, utvrđenog u razdjelu 32; glava 3201, ekonomski kod 6142 – Budžeta Federacije Bosne i Hercegovine za 2018. godinu.

II

Pravo prijave na korištenje sredstava iz tačke I Javnog poziva mogu ostvariti maloljetni dobrovoljci iz tačke III stav 1. alineja 2. Odluke Vlade Federacije Bosne i Hercegovine o usvajanju Programa utroška sredstava sa kriterijima raspodjele sredstava - „Tekući transferi pojedincima -Transfer za rješavanje statusnih pitanja branilaca i članova njihovih porodica“ utvrđenim Budžetom Federacije Bosne i Hercegovine za 2018. godinu, pod uslovima i na način koji je utvrđen Odlukom Vlade Federacije BiH, V.broj: 1379/2018 od 23.11.2018. godine sa ciljem (su)finansiranja troškova prekvalifikacije i dokvalifikacije za vanredno osnovno ili srednje obrazovanje ukoliko su školovanje obavili u 2017. ili 2018. godini, maksimalno do iznosa stvarnih troškova.

III

Kriteriji za odobravanje sredstava za rješavanje (su)finansiranja troškova prekvalifikacije i dokvalifikacije za vanredno osnovno ili srednje obrazovanje ukoliko su školovanje obavili u 2017. ili 2018. godini, maksimalno do iznosa stvarnih troškova iz tačke III stav 1. alineja 2. Odluke su:

- Maloljetni dobrovoljci koji su vanredno osnovno ili srednje školovanje za određenu školsku godinu realizirali u 2017. ili se školuju u 2018. godini (maksimalno do iznosa stvarnih troškova školovanja);

IV

Obavezna dokumentacija za podnosioca zahtjeva:

1. Ovjerena fotokopija lične karte i CIPS-ova prijava prebivališta za podnosioca zahtjeva, ne starija od 6 mjeseci (original ili ovjerena kopija);
2. Uvjerenje o učešću u OS BiH iz nadležene Grupe/Samostalni izvršioци za pitanja evidencija iz oblasti vojne obaveze u općinama po mjestu prebivališta podnosioca zahtjeva;
3. Dokaz o ranijem školovanju (ovjerena kopija);
4. Potvrda nadležne službe za boračko – invalidsku zaštitu da podnosilac zahtjeva nije (su) finansiran za prekvalifikaciju i dokvalifikaciju za vanredno osnovno ili srednje obrazovanje ukoliko su školovanje obavili u 2017. ili 2018. godini;
5. Potvrda kantonalnog ministarstva/uprave za pitanja boraca da podnosilac zahtjeva nije (su)finansiran za prekvalifikaciju i dokvalifikaciju za vanredno osnovno ili srednje obrazovanje ukoliko su školovanje obavili u 2017. ili 2018. godini;
6. Potvrda Fonda za profesionalnu rehabilitaciju i zapošljavanje osoba sa invaliditetom Federacije Bosne i Hercegovine da podnosilac zahtjeva nije (su)finansiran za prekvalifikaciju i dokvalifikaciju za vanredno osnovno ili srednje obrazovanje ukoliko su školovanje završili, nastavili ili započeli u 2017. ili 2018. godini;
7. Potvrda o izvršenom upisu i ovjerena fotokopija uplatnice podnosioca zahtjeva od ovlaštene javne ustanove (osnovna ili srednja škola) o visini troškova školarine za 2017. godinu (ukoliko su školovanje započeli u 2017. godini);
8. Potvrda o izvršenom upisu, ovjerena fotokopija uplatnice i predračun od ovlaštene javne ustanove (osnovna ili srednja škola) o visini troškova školarine za 2018. godinu (ukoliko su školovanje započeli u 2018. godini);
9. Ovjerena potvrda banke sa brojem tekućeg računa podnosioca zahtjeva ili kopija tekućeg računa banke podnosioca zahtjeva.

V

Javni poziv za dodjelu sredstava objavit će se na WEB stranici Federalnog ministarstva, i najmanje jednom dnevnom listu velikog tiraža, s ciljem dostupnosti široj javnosti.

VI

Federalni ministar rješenjem imenuje komisiju. Komisija se sastoji od ukupno 4 (četiri) člana od uposlenika Federalnog ministarstva.

Komisija na osnovu javnog poziva razmatra zaprimljene zahtjeve, cijeni ispunjenost uvjeta u skladu sa kriterijima za odobravanje sredstava.

Komisija sačinjava prijedlog liste za dodjelu sredstava predmetnog transfera na osnovu koje pojedinačna rješenja o dodjeli sredstava donosi federalni ministar.

VII

Federalno ministarstvo će putem Inspektorata po principu slučajnog uzorka vršiti provjeru dokumentacije za ostvarivanje prava na finansijsku pomoć, kao i na osnovu prijave fizičkih i pravnih lica.

Inspektorat će rješenjem utvrditi obavezu povrata dodijeljenih sredstava u slučaju da se putem Inspektorata dokaže da nije bilo osnova za dodjelu (falsifikovana dokumentacija, netačni podaci, prikrivanje činjenica i sl.), a po prigovoru na Rješenje Inspektorata odlučuje federalni ministar.

VIII

Prijedlog za odobrenje sredstava za pružanje jednokratne novčane pomoći za rješavanje (su)finansiranja troškova prekvalifikacije i dokvalifikacije za vanredno osnovno ili srednje obrazovanje, ukoliko su školovanje obavili u 2017. ili započeli u 2018. godini, federalnom ministru daje Komisija.

Komisija razmatra zaprimljene zahtjeve na osnovu Javnog poziva sa kriterijima te obrazložen prijedlog dostavlja federalnom ministru koji donosi konačnu odluku.

IX

Aplikacioni formular će biti objavljeni na WEB stranici Federalnog ministarstva (www.fmbi.gov.ba), a moći će se preuzeti i u sjedištu Federalnog ministarstva za pitanja boraca i invalida odbrambeno-oslobodilačkog rata/Federalnog ministarstva za pitanja branitelja i invalida domovinskog rata (u daljem tekstu: Federalno ministarstvo), na adresi: Hamdije Čemerlića br. 2. Sarajevo.

Zahtjevi po Javnom pozivu podnose se Federalnom ministarstvu **lično ili putem pošte** na adresu:

Federalno ministarstvo za pitanja boraca i invalida odbrambeno-oslobodilačkog rata/Federalno ministarstva za pitanja branitelja i invalida domovinskog rata
Ul. Hamdije Čemerlića br. 2. , 71 000 Sarajevo.

Sa naznakom:

„Javni poziv za podnošenje zahtjeva za dodjelu jednokratne novčane pomoći maloljetnim dobrovoljacima za (su)finansiranje troškova prekvalifikacije i dokvalifikacije za vanredno osnovno ili srednje obrazovanje ukoliko su školovanje obavili u 2017. ili 2018.godini“

Rok za podnošenje zahtjeva po navedenom Javnom pozivu je 15 (petnaest) dana od dana objave u najmanje jednom dnevnom listu velikog tiraža, s ciljem dostupnosti široj javnosti.

Zahtjevi koji nisu blagovremeni i zahtjevi koji su predati prije raspisivanja javnog poziva, neće se uzeti u razmatranje, a Federalno ministarstvo nema obavezu vraćanja predate dokumentacije.

Broj: 01-41-4800/18
Sarajevo, 29.11.2018. godine

MINISTAR
Doc. dr. Salko Bukvarević

